

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na ___sjednici Predstavničkog doma, održanoj _____ godine i na ___sjednici Doma naroda, održanoj _____ godine, usvojila je

ZAKON

o izmjenama i dopunama Zakona o koncesijama Bosne i Hercegovine

Član 1.

U Zakonu o koncesijama Bosne i Hercegovine («Službeni glasnik BiH», broj 32/02. i 56/04), u članu 3. stav 1. mijenja se i glasi: «Koncedent znači ministarstvo ili drugi organ Bosne i Hercegovine koji odredi Vijeće ministara Bosne i Hercegovine (u daljem tekstu: Vijeće ministara) da povede postupak dodjele koncesije i zaključi ugovor o koncesiji u skladu sa odredbama ovog Zakona.»

U istom članu stav 2. mijenja se i glasi: «Koncesija znači pravo koje je dodjeljeno koncesionaru u cilju osiguranja izgradnje infrastrukture i/ili pružanja usluga, eksploatacije prirodnih resursa, u rokovima i pod uslovima utvrđenim ugovorom o koncesiji.»

Član 2.

U članu 4. stav 1. mijenja se i glasi: «Vijeće ministara Bosne i Hercegovine donosi odluke o vrsti, predmetu, obimu i dodjeli koncesije.»

U članu 4. iza stava jedan dodaje se novi stav 2. koji glasi «Odluke iz stava 1. ovog člana potvrđuje Parlamentarna skupština Bosne i Hercegovine.»

U članu 4. stav 2. postaje stav 3., a stav 3. postaje stav 4.

U članu 4. stav 3, iza riječi «i/ili Republike Srpske» dodaju se riječi: «**i/ili Federacije Bosne i Hercegovine i i/ili Brčko Distrikta Bosne i Hercegovine**».

Član 3.

U članu 7. stav 2. mijenja se i glasi:
«2. Kada djeluje u svojstvu Zajedničke komisije za koncesije, Komisija se sastoji od sedam članova. Predsjedavajući iz stava 1. je i predsjedavajući Zajedničke komisije za koncesije. Predsjedavajući, u zavisnosti od predmeta, imenuje tri člana Komisije u Zajedničku komisiju iz redova članova Komisije iz stava 1. Ostala tri člana Zajedničke komisije imenuje predsjedavajući Zajedničke komisije za koncesije iz redova članova Komisije za koncesije Federacije Bosne i Hercegovine, osnovane Zakonom o koncesijama Federacije Bosne i Hercegovine ili iz redova članova Komisije za koncesije Republike Srpske, osnovane Zakonom o koncesijama Republike Srpske, ili predstavnika Brčko Distrikta Bosne i Hercegovine.»

Član 4.

U članu 12. stav 3., u drugom redu riječ «četiri» zamjenjuje se riječju «pet», a u četvrtom redu riječ «tri» zamjenjuje se riječju «četiri».

Član 5.

U članu 24. stav 1. mijenja se i glasi:

«1. Vijeće ministara, na prajedlog Komisije, dodjeljuje koncesiju najpovoljnijem ponuđaču koji je ispunio i zadovoljio sve kriterijume utvrđene u tenderu i visokog je ranga u odnosu na ostale ponuđače.»

Član 6.

U članu 25. stav 1., u trećem redu riječ «ministarstvo» zamjenjuje se riječju «Vijeće ministara», a u četvrtom redu riječi «tu koncesiju» zamjenjuje se riječima «dodjelu koncesije».

U članu 25. stav 3., u drugom redu riječ «ukoliko» zamjenjuje se riječjima «ako Vijeće ministara», a u trećem redu riječ « koncesiju» zamjenjuje se riječima «dodjelu koncesije».

Član 7.

U članu 26. stav 4. mijenja se i glasi:

«4. Ugovor o koncesiji ne može se prenijeti na novog koncesionara bez prethodne saglasnosti Komisije. U slučaju da koncesionar nije ispunio preuzetu obavezu prema međunarodnoj finansijskoj instituciji čiji je član Bosna i Hercegovina, ugovor o koncesiji može se prenijeti na odnosnu instituciju bez saglasnosti Komisije. Prilikom razmatranja zahtjeva za saglasnost Komisija uzima u obzir:

- a) finansijsko stanje predloženog novog koncesionara,
- b) stručnost i sposobnost predloženog novog koncesionara da pruža usluge i izvršava svoje obaveze iz ugovora o koncesiji,
- c) uticaj koji će dodijeljena koncesija imati na koncentraciju vlasništva u određenom sektoru djelatnosti.»

Član 8.

Ovaj zakon stupa na snagu osmog dana od dana objavljivanja u «Službenom glasniku BiH», a objaviće se i u službenim glasilima entiteta i Brčko Distrikta Bosne i Hercegovine.

Predsjedavajući
Doma naroda

Predsjedavajući
Predstavničkog doma

OBRAZLOŽENJE

I – Ustavni osnov sadržan je u članu IV. 4.a) Ustava Bosne i Hercegovine

II- Obrazloženje pojedinih odredbi

Za član 1

Ove članove neophodno je uskladiti sa prijedlozima za promjenu član 24.stav 1.

Za član 2.

Ovaj član neophodno je uskladiti sa prijedlozima za promjenu član 24.stav 1.

Stav 4. Radi se o tehničkoj grešci u ovom članu jer se kroz ostali tekst Zakona podrazumjeva da “sporna pitanja” mogu nastati i sa Federacijom BiH i/ili Brčko Distriktom BiH koja rješava Zajednička komisija.

Za član 3.

Prema važećoj odredbi Zakona, 3 člana Komisije BiH i predsjedavajući su stalni članovi u Zajedničkoj komisiju, a preostala 3 člana se mijenjaju. S obzirom na raznovrsnost koncesionih projekata, potrebu za stručnom, nacionalnom i teritorijalnom zastupljenošću članova Komisije, potrebno je da se svi članovi mijenjaju u zavisnosti od vrste i predmeta koncesionog projekta

Za član 4.

S obzirom da Komisija broji 7 članova, to prostu većinu za donošenje odluka čine 4 galasa članova komisije. Na ovaj način obezbjeđuje se da se odluke u svakom slučaju donose prostom većinom kao i to da u normalnom radu Komisije bude adekvatna i teritorijalna i nacionalna zastupljenost.

Za član 5.

U zakonima o koncesiji Republike Srpske i Federacije BiH jasno je definisano da “Vlada na predlog Komisije, dodjeljuje koncesiju najpovoljnijem ponuđaču koji je ispunio i zadovoljio sve kriterijume utvrđene u javnom pozivu i visokog je ranga u odnosu na ostale ponuđače”. Zakonom o koncesijama BiH ostavljena je nejasnoća i otvorena mogućnost različitog tumačenja ko i na čiji prijedlog dodjeljuje koncesiju.

Za član 6.

U postupku dodjele koncesije putem javne ponude, Vijeće ministara donosi odluku o vrsti, predmetu i obimu koncesije, sto se može smatrati utvrđivanjem javnog interesa za dodjelu kocesije. Podnošenjem samoinicijativne ponude, ponuđač je u povoljnijem položaju od ponuđača koji učestvuju u postupaku dodjele koncesije putem javnog poziva, naročito zbog dileme koja se javlja, da li je ministarstvo dovoljno meritorno da procijeni javni interes.

Za član 7.

U Članu 26. stavovi 4. i 5. odnose se na novog koncesionara koji preuzima obaveze po ugovoru od prethodnog. Iz tih razloga potrebno je pojasniti da taj ugovor može preuzeti i međunarodna finansijska institucija bez saglasnosti Komisije.

III – FINANSIJSKA SREDSTVA

Povodom izmjena i dopuna Zakona o koncesijama nije potrebno obezbijediti posebna finansijska sredstva.